

6. fundur ferðamálaráðs - aukafundur
16. sept 2015 kl. 12-13

Mættir: Þórey Vilhjálmsdóttir, formaður, Halldór Benjamín Þorbergsson, Þórir Garðarsson, Ásbjörn Björgvinsson og Ingibjörg Guðjónsdóttir.

Gestir: Guðfinna Bjarnadóttir, verkefnisstjóri hóps um stefnu og framtíðarsýn fyrir ferðaþjónustu á Íslandi og Áslaug Thelma Einarsdóttir sem mun halda utan um kynninguna á stefnunni.

Ritari: María Reynisdóttir, skrifstofa viðskipta, nýsköpunar og ferðaþjónustu, atvinnuvega- og nýsköpunarráðuneytið.

Markmið þessa aukafundar var að fá fram athugasemdir frá ferðamálaráði og umræðu eftir kynningu Guðfinnu Bjarnadóttur á efni ferðamálastefnunnar á síðasta fundi 10. sept.

A. Kynning ferðamálastefnunnar – praktísk atriði

Rætt um mikilvægi þess að vinna PR vinnuna faglega. Áslaug Thelma Einarsdóttir kynnt en hún mun halda utan um kynninguna á nýju ferðamálastefnunni.

Sammælt um að dagsetning á kynningu stefnunnar verður að fara að staðfesta. Verður að öllum líkindum um eða mjög fljótlega eftir mánaðarmót.

Ræddir mögulegir staðir fyrir blaðamannafund: 19. hæð Turnsins í Kópavogi, Þjóðmenningarhúsið, Hús atvinnulísins, ráðherrabústaður, Harpa (Björtuloft). Harpa hlaut mestan hljómgrunn. Á blaðamannafundinum þurfa allir ráðherrar að vera á staðnum og æskilegast að kynning og undirritun fari fram beint á eftir hvort öðru.

B. Stuðningur við stefnuna – forkynning SAF

Rætt um mikilvægi þess að fá stuðningsyfirlýsingar frá helstu ferðaþjónustuaðilum, tryggja baklandið. Tekið var fram að stefnan nýtur mikils stuðnings innan SAF.

SAF boði til félagsfundar (forkynningar) þar sem ráðherra fer yfir stefnuna. Muna þarf eftir því að streyma fundinum. Blaðamannafundur verði svo beint í framhaldinu.

Fram kom að fundur er áætlaður 17. sept þar sem efni stefnunnar verður kynnt ráðum og nefndum SAF en gerð var athugasemd hvort væri ekki betra að fresta þeim fundi.

Mikilvægt að tryggja eignaraðild („buy-in“) þeirra sem tóku þátt í vinnuhópunum, tölvupóstur verður sendur og þeim boðið á kynningu stefnunnar.

C. Kjarnaskilaboð stefnunnar og samhæfingarstjórn

Sammælt var um að kjarnaskilaboð stefnunnar eigi að vera: Samhæfingarteymið, þríhliða samstarf, fjármagn og tímasettar aðgerðir.

Aðal málið (stóra „fréttin“) verður samhæfingarstjórnin og aðgerðahópurinn. Skýrt þarf að vera hvaða form verður á stjórninni, stjórnarsýsluleg staða hennar, hvernig hún er samsett og fjármögnuð.

Góð reynsla af Inspired by Iceland sem var hálf-opinbert (public-private) verkefni, etv. nota sama módel. Búið er að ræða innan SAF hverjir verða frá þeim í samhæfingarstjórn.

D. Kynning ferðamálastefnunnar – mikilvæg atriði

Æskilegt væri að vera búin að ráða framkvæmdastjóra þegar stefnan er kynnt til að hann geti nýtt endurgjöf strax frá byrjun.

Aðgerðahópur þarf að vera skipaður „þungavigtarfólki“ og kynna þarf fjármögnun hans. Hópurinn þarf að geta ráðist strax í ákveðin verkefni sem eru kynnt, t.d. þolmarkarannsóknir, „best practice“

lausnir varðandi uppbyggingu vinsælla áfangastaða (t.d. salernismál), fyrsti fyrirmyndarstaðurinn, endurskoðun samgönguáætlunar. Mjög mikilvægt að fjármagn sé tryggt í ákveðin verkefni. Einnig þarf að vera tilbúið svar við afgangsfé Framkvæmdasjóðs ferðamannastaða s.s. að sjóðurinn verði áfram en umgjörð hans endurskoðuð.

SAF leggur áherslu á landshlutakynningu og að sveitarstjórnir og þjónustuaðilar úti á landi séu með í eftirfylgni strax í kjölfar þess að stefnan er kynnt.

Vera þarf vakandi fyrir umræðu um efnahagslegu áhrif þess að störf sem fylgi vexti ferðaþjónustu séu „láglaunastörf“.

E. Framsetning stefnunnar - praktísk atriði

Nokkrum hugmyndum að nöfnum á stefnuna var varpað fram: Kjölurinn, Stuðlaberg, Sterkur Grunnur (vinnuheiti stefnunnar), Vegvísir. Flestum leist best á nafnið Kjölurinn. Textasmiður verður fenginn í málið.

Talað var um að styrkja þyrfti opnunarkafla stefnunnar, draga upp „snapshot“ af greininni og þróun hennar í inngangi á myndrænu formi. SAF er að semja innganginn.

600 milljarðar í gjaldeyristekjur – nefnt var að betra sé að nefna bil en ákveðna tölu.

Lista þarf vinnufundina í viðauka (ekki lista alla þátttakendur).

Forsætisráðherra og umhverfisráðherra fá að fara yfir tillögurnar í stefnunni sem eiga við þá.

F. Önnur mál

Nefnt var að taka þyrfti umræðu um notkun starfsheitisins ferðamálaráðherra – sem væri meira í takt við tímann og framtíðarsýn greinarinnar.

Fundi slitið kl. 13:05